



KEMENTERIAN PERTANIAN DAN KETERJAMINAN MAKANAN
Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.kpkm.gov.my

SIARAN MEDIA

KUNJUNGAN HORMAT MENTERI-MENTERI ASEAN KE ATAS MENTERI PERTANIAN DAN KETERJAMINAN MAKANAN

PUTRAJAYA, 6 OKTOBER 2023 –Menteri Pertanian dan Keterjaminan Makanan Datuk Seri Haji Mohamad bin Sabu menerima kunjungan hormat daripada, Menteri Kelestarian dan Alam Sekitar, Republik Singapura, TYT Grace Fu dan Timbalan Menteri Pertanian dan Pembangunan Luar Bandar Vietnam, TYT Nguyen Quoc Tri, pada Khamis, semasa Mesyuarat Menteri-Menteri ASEAN Mengenai Pertanian dan Perhutanan (AMAF) ke-45 dan Mesyuarat-Mesyuarat Berkaitan di Kuala Lumpur.

Ia adalah merupakan pertemuan pertama Menteri Pertanian dan Keterjaminan Makanan dengan rakan sejawatnya daripada Singapura dan Vietnam bagi membincangkan cadangan kerjasama dalam bidang pertanian serta keterjaminan makanan.

Republik Singapura menyatakan kesediaan untuk memperkuatkkan hubungan dua hala dalam bidang pertanian dengan Malaysia menerusi perkongsian teknologi dan kepakaran terutamanya dalam pertanian moden. Manakala, menerusi pertemuan dengan Vietnam, Malaysia menyatakan hasrat untuk memperkuatkkan perdagangan dua hala dalam bidang pertanian terutamanya dalam pengimportan beras dari Vietnam.

Perdagangan antara Malaysia dan Republik Singapura menyaksikan pertumbuhan sebanyak 17.04% pada 2022, iaitu kenaikan dari nilai RM16.96 billion pada tahun 2021 kepada RM19.85 billion pada tahun 2022.

Manakala nilai dagangan pertanian antara Malaysia dan Vietnam bagi tahun 2022, telah mencatatkan peningkatan sebanyak 27.64% iaitu RM10.62 billion berbanding RM8.32 billion pada tahun 2021. Ini menunjukkan potensi perdagangan pertanian yang tinggi antara Malaysia dan kedua-dua negara ASEAN tersebut

Malaysia turut menjemput kedua-dua negara untuk menghadiri Pameran Pertanian, Hortikultur dan Agropelancongan (MAHA) yang akan dianjurkan oleh Kementerian pada tahun 2024.

Pertemuan turut dihadiri oleh Timbalan Menteri Pertanian dan Keterjaminan Makanan, Tuan Chan Foong Hin, Ketua Setiausaha, Datuk Lokman Hakim Ali, pegawai-pegawai kanan KPBM serta wakil daripada Jabatan Pertanian Malaysia (DOA), Jabatan Perikanan Malaysia (DOF) dan Jabatan Perkhidmatan Veterinar (DVS) Lembaga Pemasaran Pertanian Persekutuan (FAMA).

Mesyuarat Menteri-Menteri ASEAN Mengenai Pertanian dan Perhutanan (AMAF) ke-45 yang berlangsung di Kuala Lumpur pada 2 hingga 6 Oktober. Sebagai tuan rumah, Malaysia menyatakan komitmen untuk melipatgandakan usaha memacu kerjasama lebih erat antara negara anggota bagi memelihara keterjaminan makanan di rantau ini.

KEMENTERIAN PERTANIAN DAN KETERJAMINAN MAKANAN
6 OKTOBER 2023